

小字序

韓退之曰千里馬常有伯樂不常有予
不謂然馬之千里人之聖也攬轡舒節
凌雲光螭歷塊過都瞬息八極者千里
馬也智籠二儀才擅萬物見本知末觀
指覩歸者聖人也如曰千里馬常有伯

樂不常有是云聖人常有識聖人者不常有也千里一士百世一聖聖人果常有乎知聖人則知馬矣周穆王時天子主車則造父爲御太丙爲右栢天主車則參伯爲御奔戎爲右僅得八駿東漢之末善相馬者有西河子輿子輿傳曰

河傳長孺長孺傳茂陵丁君都君都傳成紀楊子阿子阿傳馬伏波文淵然有鼓銅鑄馬未覩實驥由是言之伯樂千里馬孰爲常有子曰不患人之不已知患其不能也夫馬何患伯樂之不知哉患不千里耳於是采古今名馬爲記二

卷上卷自伏羲至我

國朝帝王公侯所馭者得一百六十條
下卷據傳記載者得四十條泰和郭子

章記

馬記上

泰和郭子章

輯

繡水

黃承玄

校

馬記上

龍馬澤馬吉良朱髦

伏羲時龍馬負圖出河遂則其文以畫八卦瑞
應圖曰龍馬仁馬河水之精也高八尺五寸長

頸鬕上有翼旁垂毛鳴聲九音有明主則見一本曰王者不誅馬則龍馬乘黃澤馬朱鬣並集澤馬一曰吉良山海經曰大封國有文馬縞身朱鬣名曰吉良乘之壽千歲神異記西海有白馬朱鬣河伯使者乘之如飛所至之國雨水滂沱

飛黃乘黃

淮南子曰黃帝治天下飛黃服皂高誘曰飛黃

有角日行萬里乘之壽三千歲
曰飛黃踏去不能傾蟾蜍應劭曰乘黃龍翼馬身黃帝乘之而仙瑞應圖曰乘黃者王者輿服有度則出司馬相如封禪文招翠黃乘龍於招注翠黃乘黃也漢書禮樂志紫黃何其不狝下紫黃卽翠黃也呂氏春秋曰乘雅作駕寒衰作御

唐龍

尚書中候曰堯時龍馬銜甲赤文綠
甲似龜廣袤九尺圓理平上五色文
分斗政之度帝王興亡之數

虞乘黃

漢禮樂志舜時景星出房地出乘黃之馬

神馬騰黃吉光騶裏飛兔馱蹄

孝經援神契曰德至山林則澤出神馬瑞應圖
曰騰黃者神馬也其色黃王者德御四方則至

一名三光乘之壽三千歲此馬無死時騶裏與
飛兔同以明君有德則至飛兔日行三萬里禹
治水土勤勞天應其德至馱蹄者后土之獸也
自能言語王者仁孝於民則出禹治水有功至
漢書音義曰騶裏神馬也赤喙黑身宋志曰漢
元和中騰黃見邵國

方澤

隨巢子云夏后氏興方澤馬出

九代雨龍

山海經曰大樂之野夏后啓於此舞九代馬乘
雨龍文選王元長序夏后雨龍載驅璿臺之上
注曰夏后啓有鳥號爲雨龍乘游璿臺以饗諸
侯

驪翰駮駟蕃鬣

記曰夏戎事乘驪殷乘翰周乘駮夏駮馬黑鬣
殷白馬黑首周黃馬蕃鬣疏曰魯有三代之馬

馬而白腹者也武王代紂用之詩曰牧野
洋洋檀車煌煌駮駮彭彭蓋武王常以是勝紂
赤色黑鬣駮駮馬白腹駮

青龍遺風

伊尹說湯曰青龍之匹遺風之乘

野馬駒除馱馱

汲冢書曰伊尹爲四正令正北請令以野馬駒
馱馱爲獻爾雅曰野馬如馬而小出塞外山

海經曰北海內有獸狀如馬名騶駼色青故馬之良者取以爲名說文曰騶駼馬父驢母也故傳稱騶駼生三日而超其母桑御史言武帝平伯越以爲囿圃騶駼騶駼實於外廐

鷄目

尚書大傳曰散宜生之犬戎氏取美馬騶身朱髦鷄目者取九六焉陳於紂之庭紂出見之還而覲之曰此何人也散宜生遂趨而進曰五等

之目之使者

騶虞鷄斯

淮南子散宜生得騶虞鷄斯之乘○騶虞馬之似騶虞者

吉黃

周書曰犬戎之馬赤鬣白身目若黃金名曰馮吉黃之乘成王時來獻或曰文王時獻之

宗馬

晉輿服志成王之會壇垂陰羽五方之盛有貢八十物宗馬烏旌奚往不格

雖馬

汲冢周書王會解俞人雖馬注俞東北夷雖馬
嵩如馬一角

八駿

拾遺記曰周穆王馭八龍之駿一名絕地足不踐土二名翻羽行越飛禽三名奔宵夜行萬里

四名超光一形十影七名騰霧乘雲而奔八名挾翼身有肉翅逝而駕焉按轡徐行以匝天地之域穆天子傳天子命駕八駿之乘右服繡駟而左騄駘右驂赤龍而左白縹天子主車造父爲御商衡爲右次車之乘右服渠黃而左輪輪右駿盜驪而左山子栢天主車參伯爲御奔戎爲右至于黃澤官樂謠曰黃之池其馬歎沙皇人威

馬言
儀皇之澤其馬歎王皇人壽穀○齠音華麗音
驥蔡音義裔音泰何音丙

驊騮綠耳盜驪騏驎織離

水經注湖水出桃林塞之夸父山其中多野馬
造父于此得驊騮綠耳盜驪騏驎乘以獻周穆
王使之馭以見西王母荀子曰驊騮騏驎織離
綠耳古之良馬也魏文帝以織離馬遺吳○騏
驎馬文如博棊

長馬
天子信壬戌天子至于雷首犬戎觴天子雷
首之阿乃獻良馬四六

翠龍

楊雄河東賦注師古曰翠龍穆天子所乘馬也

駟馬

魯頌駟篇頌僖公也駟駟牡馬在坰之野薄言
駟者有駟有騶有驪有黃有騅有駟有駟有駟

有驛有駱有騮有馮有駟有馵有驪有魚

玉馬玉澤

瑞應圖曰玉馬者王者清明尊賢則至一本曰玉澤馬者師曠時來

屈乘

左傳晉獻將伐虢荀息請以屈產之乘垂棘之璧假道于虞公曰此晉寶也荀息曰是取中府藏外府取中廐藏外廐也晉與虞荀息牽馬操尾前曰璧則猶是馬齒加長矣

闌筋

晉柳問曰晉國名馬堅骨闌筋注一筋從玄中出謂之闌筋玄中謂目上痕如井字闌筋堅者千里黃存仁龍馬賦曰闌筋參情

駮

爾雅曰駮白駮徐鉉曰疑象駮文晉侯乘駮乳虎見之而服則象駮之文理或然也駮亦馬之

馬言
上色故古者國君乘之詩所謂隰有六駮者字
从交作字說曰駮類馬食虎而虎食馬凡類已
也而能除害已者在所交也則駮非此駮也

小駟六駟

左傳晉乘小駟鄭入也慶鄭曰今鄭異產以從
戎事及懼而變將與人易亂外強內乾進退不
能周旋不能又晉程鄭爲乘馬御六駟屬馬使
訓羣駟知禮

左傳唐成公有兩駟驪馬一云肅霜馬色如霜純

文馬

左傳宋人以文馬百駟贖華元於鄭

朱鬣

左傳宋公子地有白馬四公嬖向魍魎欲之公
知其尾鬣以與之

啓服

左傳衛侯來獻其乘馬曰啓服

騏駼驪

秦風小戎文茵暢轂駕我騏驎四牡孔阜六轡
在手騏驎是中騏驪是騃倭駟孔羣公矛鏐錚
黃馬黑喙曰騏今之淺黃色馬也宋明帝以騏
字旁似禍改作馱史稱文帝騏馬脊有肉鞍行
則先作弄四足

代馬

史記燕秦傳燕車六百乘騎六千匹趙車千乘
騎萬匹魏車六百乘騎五千匹楚車千乘騎萬
匹秦北有代馬戰國策蘇厲說趙曰代馬胡駒
疇騎

韓非子曰秦穆公起卒革車五百乘疇騎二千
步卒五百萬輔重耳入於晉○疇等也言齊等

沙丘

伯樂對秦穆公曰臣有所與九方臯其於馬非
馬也

馬詩
臣之比也穆公見之使行求馬三月而反報曰
已得之矣在沙丘牝而黃公使人往取之牡而
驪公召伯樂曰子之所使求馬者色物牝牡尚
弗能知又何馬之能知也伯樂曰若臯之所觀
天機也得其精忘其粗在其內而忘其外馬至
果天下之馬也

秦七馬

古今注曰秦始皇有七名馬一曰追風二曰白

三曰躡景四曰追電五曰飛翮六曰銅爵七
曰晨鳧

秦異

搜神記昔秦人築武州城將成而崩者數焉忽
有馬馳走周旋反覆人異之依以築成遂名

馬邑

生角

游歷記燕太子丹質於秦求歸秦曰待烏頭白
馬生角乃歸太子仰天哭感烏頭白馬生角王

馬邑

馬言
大驚遣歸

楚騅

史記項王駿馬名騅常騎日行千里及敗至烏江謂亭長曰吾騎此馬五歲所當無敵不忍殺以賜公

梟騎

帝紀高祖五年漢北燕人來致梟騎助漢

九逸

漢書文帝自代還有良馬九匹皆天下駘足也名曰浮雲赤電絕羣逸驃紫燕騶祿騊駼龍子麟駒絕塵號九逸有來宣能御選注紫燕騶一名飛燕騶

漢千里

賈捐之傳孝文時有獻千里馬者詔曰朕乘馬獨先安之還馬與道里費詔曰朕不受獻也令四方毋獻建武十三年異國有獻名馬者日行

馬言
千里

烏孫天西極汗血

張騫傳元狩中得烏孫馬好名曰天馬及得宛汗血馬益壯更名烏孫馬曰西極馬宛馬曰天馬應劭曰大宛舊有天馬蹋石汗從馬前肩轉出如血一日千里武紀太初四年貳師將軍李廣利斬大宛王首獲汗血馬來作西極天馬

宛天

之歌

宛王蟬封與漢約歲獻天馬二匹孟康曰言大宛國有高山其上有馬不可得因取五色母馬置其下與集生駒皆汗血因號天馬云

漢余吾水渥洼水

武紀元狩二年夏馬生余吾水中在朔方北元鼎四年秋馬生渥洼水中注南陽新野有暴利長當武帝時遭刑屯田敦煌鳳數於此水旁見羣野馬中有奇者與凡馬異來飲此水利長先

馬已

三

馬言
作土人持勒絆於水旁後馬既玩習之遂持勒
絆收得其馬獻之欲神異此馬云從水中出

簫稍

神異經大宛有良馬鬣至膝尾委於地名曰簫
稍謂尾之長者簫稍然搖動可起朔風

騮駒

郊祀志往用騮駒師古曰騮赤馬黑鬣尾也

龍友龍媒龍秋籥雲

志龍爲友師古曰唯龍可爲之友耳
又曰天馬來龍之媒應劭曰言天馬者乃神龍
之類今天馬已來此龍必至之效也又曰飛龍
秋蘓林曰秋飛貌也師古曰莊子有秋駕之法
者亦言駕馬騰驤秋秋然也又曰籥浮雲蘓林
曰籥音躡言天馬上躡浮雲也

醇駟

食貨志自天子不能具醇駟師古曰醇不雜也

醜一作均

昆號

漢百官表昆號令丞應劭曰昆號好馬名也爾雅曰騏蹄趺善陞龐注龐山形似甌上大下小騏蹄蹄如趺而健上山秦時有騏蹄苑龐音銳游騏

子虛賦射游騏張揖曰騏如馬一角不角者曰騏毛詩傳曰青黑曰騏騏蒼艾色一曰馬青驪

象龍

馮奉世傳宣帝時至大宛得名馬象龍而還師古曰言馬形似龍者

步景

洞宣記曰東方朔遊吉雲之地得神馬高九尺股有旋毛如日月之狀如月者夜光如日者晝光毛色隨四時之變西王母稅此于芝田因食

芝田之草東王公棄之清津因騎而返繞日三匝入漢關馬上睡眼不覺而至名步景

齧齠

王褒傳駕齧齠孟康曰良馬低頭口至齠故曰齧齠

鮑氏驄

漢鮑宣與子永孫昱俱爲司隸皆乘驄馬歌曰鮑氏驄三入司隸再入公

驄奚

前匈奴傳其奇畜則橐佗驄奚韻府曰駒駘驄奚皆良馬也驄音顛

小步

西域傳西域小步馬孟康曰種小能步也師古曰小細也細步言其能蹠足卽今所謂百步千跡也豈謂其小種乎

黃門四駿

西域贊蒲稍龍文魚目汗血之馬克於黃門注
孟康曰四駿馬名

大驪

光武以所乘大驪賜孝忠

中廬

後郡國志南郡中廬良馬注襄陽者舊傳曰縣
西山中有一道漢時常有數百匹馬出其中馬
形皆小似巴滇馬

桓

後漢桓典爲御史是時宦者執政典無所迴避
常乘駿馬京師畏憚爲之詩曰行行且止避
馬御史

游龍

後漢書明德馬后過躍龍門上見外家起居者
車如流水馬如游龍

穢國果下

魏志曰穢國出果下馬漢時獻之高三尺

赤兔

曹操傳呂布有駿馬名赤兔常騎乘之時人爲之語曰人中有呂布馬中有赤兔

月題的顛白顛的盧白駒

皆白顛馬也韻注月題當顛如月形者莊子曰齊之以月題易曰其於馬也爲的顛詩曰有車鄰鄰有馬白顛一也俗曰戴星馬也馬政論曰

謂之的盧又曰準上有旋毛及白毛者謂之的吻凶俗云的盧非也劉備避樊城之難過檀溪謂所乘馬的盧曰今日急不可不努力馬達備意一躍三丈又庾亮所乘馬名的盧殷浩以爲不利主勸市之亮曰豈有已之不利移之人者詩曰皎皎白駒在彼空谷

絕影

後漢書曹公所乘馬名絕影

白鶴

拾遺記曹洪與魏武所乘之馬名曰白鶴時人
諺曰憑空虛躍曹家白鶴

絕足

魏志文帝與孫權書曰國雖饒馬其知名絕足
亦時有耳

紫驊

魏志陳思王表文帝曰臣於武皇帝世得大宛

一曰今昔拜

驚帆

古今注曰曹真有馱馬名驚帆言其馳驟烈風
舉帆之疾也古颿字从馬从風真之名馬亦有
義馬

大宛馬

晉武帝泰始六年九月大宛獻汗血馬

神馬

馬記

晉孝武帝太元十四年寧州刺史費統言晉寧郡滇池縣兩神馬一黑一白盤戲河水之上水經注滇池中神馬家馬交之則生駿駒日行五百里典畧曰神馬河水之精

揚武

晉安帝紀司馬休奔廣所乘騅馬奔而馳之後還荊州加騅馬揚武之號

巴驥

竹林七賢論曰王戎好乘巴驥馬雖爲總三司車輒私行

元馬

華陽國志會無縣有元馬河元馬日行千里死於蜀今元馬冢是也縣有元馬祠家人牧山下或產駿駒元馬子也

滇池神馬

華陽國志曰神馬四匹出滇池河中又南蠻傳

唐元和中王造爲益州太守政化尤異有神馬
四匹出滇池中

支遁神駿

世說曰支遁字道林常養馬人有譏之答曰愛
其神駿聊復畜耳故唐人詩曰櫪嘶支遁馬池
養右軍鶩

千里駒

晉載記符堅遣使西域於是大宛獻千里馬皆

五色鳳眉麟身堅命羣臣作止馬詩
而進之高麗獻千里馬一又兗州獻千里馬一
牛鬣去地九尺

督驛

晉王濟有馬與叔王湛乘之馬姿容旣妙回策
如縈湛曰此馬雖快力薄不堪遠行近見督驛
常騰平路無以別當蟻封內試之濟馬果躡而
督驛馬如常濟益嘆其異

赭白

載記慕容廆有駿馬曰赭白有奇相逸力雋比之於鮑氏駄命銅鑄以圖其象親爲銘贊鐫勒其旁置之薊城東掖門

天騏龍麟一丹髦

崔鴻春秋驍騎將軍呂光討西域人曰惟龜茲據三十六國之中天騏龍麟腰裏丹髦萬計盈廐

赤蛇

靈鬼志陳安爲河間王顥給使常乘一駿馬非常後馬死雙赤蛇出其鼻

上黨澤馬

宋志魏王初中上黨得澤馬

乘輿赭白

文選宋元嘉二十二年上有乘輿赭白馬顏延之作賦寶校星纏鏤章霞布歛聳擢以鴻驚時

漢畧而龍翥

大明舞馬

宋書曰宋大明五年吐谷渾拾寅遣使獻舞馬
謝莊賦曰舞大馭於國皂賁上襄於帝閒雙璧
應範二封中圓

牛駿

宋書曰何偃乘在前劉瑀居後瑀謂偃曰君
何疾曰牛駿馭精故疾

龍驤

齊書齊太祖常乘所騎赤馬入殿及踐祚號此
馬為龍驤將軍

赤馬駒

梁武帝天監四年禊飲華光殿河南國獻赤龍
駒能拜伏善舞詔張率周興嗣為賦帝以為工

馬寶

文苑英華梁簡文馬寶頌詔示羣臣其文曰鸞

吟善鳴龍儀美稱

黃驄

魏志周裴果從軍征討乘黃驄馬衣青袍每先登陷陳時人謂之黃驄年少

閃電

魏志突厥大畏長孫總管見其馬稱爲閃電王曰將軍威行域外遂名其馬爲閃電一何壯哉

虎豹騎

魏志賈純所督虎豹騎皆天下驍銳正謂馬馬武猛也又健也

青海驄

隋書吐谷渾有青海中有小山其俗至冬輒放牝馬於其上言其龍種嘗得波斯草馬放入海因生驄駒日行千里故世稱青海驄

師于驄

朝野僉載隋文帝時大宛獻千里馬其驥曳地

號曰師子驄惟郎將裴仁基能馭之朝發西京
暮至東洛隋後不知所在

七百里馬

唐史北齊平秦王有七百里馬爾朱榮以好婢
換取之

忽雷駁

唐秦叔寶所乘馬號忽雷駁常飲於酒每於月
中試能晉越三領里檀及胡公卒嘶鳴不食而死

行雨青驄

李靖射獵山中宿一朱衣家夜半扣門急一婦
人謂靖曰此龍宮也天符命行雨二字皆不在
欲奉煩命取青驄馬一水瓶戒曰馬踐地嘶鳴
取水一滴馬蹶上此一滴乃地三尺慎勿多也
既而雷製雲開下三十餘滴夜半水平地三尺

武德驟耳

武德元年十二月乙亥豐州總管張長懸獻驟

耳馬二匹

康國名馬

玉海武德七年康國王屈木支獻名馬注爲大宛馬種形容極大會要武德中康國獻四千匹今官馬猶是其種

甘州異馬

玉海真觀二年甘州獻白馬朱鬣

十驥

唐書骨利幹遣使獻良馬十匹唐太宗爲之制名號爲十驥一曰騰霜白二曰皎雪驄三曰凝露驄四曰懸光驄五曰決波驄六曰飛霞驄七曰發電赤八曰流星騮九曰翔麟紫十曰奔虹赤乃序其事曰噴沫則千里非紅流汗則三條振血塵不及起影不及生回鶻傳骨利幹處海北近日出處也

飛騎

姜行本傳唐太宗選趨才乘六閑馬號飛騎

昭陵六馬

太宗平竇建德諸人及東都所乘六馬曰青騅
曰什伐赤曰特勒驃曰颯露赤曰拳毛騶曰白
蹄烏乃琢石爲象并贊刻昭陵金石錄有唐昭
陵六馬贊歐陽詢書殷仲容書降王名蘓東坡
詩維時六驥足績與英衛陪功成鏘八鸞玉
行天街荒涼昭陽闕古石理蒼苔

決波驗

酉陽雜俎曰決波書走歷門三限不蹟太宗尤
惜之隋內庫有交臂玉猿二臂相貫如連環特
表其轡

拳毛騶師子花

唐太宗有拳毛騶杜甫觀曹將軍畫馬圖曰昔
日太宗拳毛騶近時郭家師子花今之新圖有
二馬復令識者久嘆嗟

馬言
獅子驄

唐太宗有駿馬名獅子驄極猛悍太宗親控御之不能馴則天時在側曰惟妾能制之太宗問其術曰始則箠以鐵鞭不服則擊以鐵槓又不服則以匕首斷其喉爾

黃驄驃

樂志唐太宗破竇建德乘馬名黃驄驃命樂工製黃驄疊曲宮商也

吐谷渾馬

吐谷渾傳得波斯馬牧於海生驄駒日步千里

蹠馬

通典唐翔麟鳳死廐蹠馬俯仰騰躍皆合節朝會用樂則兼奏之

吐谷渾駿

永徽二年閏八月吐谷渾獻駿馬命還之

玉面花驄

馬記

大

異聞錄唐寧王善畫馬花萼樓壁上有六馬滾
塵圖明王最愛玉面花驄風駿雲鬣纖悉備具
後失去止存五馬

河龍天駟

唐史開元皇帝旣登大寶水瑞感而河龍出星
精應而天駟下

涼州異馬

玉海開元二年涼州進朱驄尾白馬

太原異馬滑州龍子

唐開元十二年太原獻異馬駒其耳如筒左右
各十六肋肉尾無毛二十九年滑州刺史李邕
獻馬一匹肉鬣麟腮嘶不類馬聲日行三百里
名曰龍子

開元果下馬

開元十二年新羅獻果下馬二

紅玉紫玉平山凌雲飛香百花鬃

唐詩
大寶中大宛進汗血馬六匹紅紫青黃丁香桃花叱撥上乃改名紅玉紫玉平山凌雲飛香百花輦命圖於瑤光殿

龍支馬

天寶中皇甫惟明奏龍支縣人庫狄孝義有馬生龍駒身有鱗而不生毛時有慶雲五色覆馬上久而不散

唐舞馬

唐書雜錄曰玄宗教舞馬四百蹄分爲左右部有名類曰某家驕其曲曰傾杯樂數十馬皆衣以錦繡絡以金鐸每樂作奮首鼓尾縱橫應節

赤驃

岑參赤驃歌曰君家紫驃畫不得一團俗風桃花色紅纓紫鞍珊瑚鞭玉鞍錦籠黃金勒

靈昌異馬

明皇時靈昌郡得異馬於河帝西幸入渭水化

爲龍泳去柳宗元圖注龍麟虺尾拳毛環目肉
鬣居帝開二十年

小領遠志

六曲張說爲隴右郡牧使領序別其種類則妍
蹄繁鬣小領遠志龍駉戎驥

九花蚪

伽藍記代宗時李懷仙貢名馬額高九尺毛拳
如鱗身被九花故號九花蚪帝以賜郭子儀曰

此馬高大稱卿儀質并紫玉鞭轡賜之

九馬毛龍

蘇子瞻曰薛紹彭家九馬圖曹將軍霸所繪杜
甫作詩拳毛師子二駿在焉贊曰姚宋廟堂李
郭兵治帝下毛龍以馭羣英

良馬

藝文志商州刺史呂述黠憂斯朝貢圖傳李德
裕序曰中寓旣安四夷來庭龍荒君長遣使獻

良馬二匹絕大漠而貢赤城涉流沙而霑赭汗

照夜白

杜甫畫馬圖歌會觀先帝照夜白龍池十日飛
霹靂

天育驃騎

杜甫天育驃騎圖歌伊昔太僕張景順景牧攻
駒閱清峻遂令大奴守天育別養驥子憐神俊

胡騮

杜甫歌自矜胡騮奇絕代乘出千人萬

人愛

龍文

杜甫畫馬贊云韓幹畫馬毫端有神驂騮老大
腰裏清新魚目瘦腦龍文長身雪垂白肉風感
闌筋

寧遠馬

續博物志千里馬寧遠所獻髮拳紫色狀如人

駿乘者必衣裘冒絮似胡兒抱持初馳三十里
則皆旁側難馴又馭三十里外乃駛然而去唯
聞耳傍風聲如飛箭唐肅宗時令李泌乘之往
按保定早發扶風辰達保定申歸奏事

統倫馬

唐貞元中南詔獻

駛足

唐劉晏募駛足置驛欲知四方貨殖低昂

騷馬

東坡詩注白樂天去位錄家事無長物有騷馬
籍在長物中

三花鬣馬

白樂天詩馬鬣剪三花詩話唐御馬皆剪鬣三
花又有剪鬣五花者

玉花驄

萬花谷玉花驄唐德宗馬名杜甫詩先帝天馬

玉花驄畫工如山貌不同

望雲騅

國史補曰德宗幸梁唯御騅馬號曰望雲騅駕還飼以一品料暇日牽而視之必常鳴四顧若感恩之狀後老死飛龍廐中貴威畫爲圖

吐珠馬

五行志太和九年易定馬飲水因吐珠一以獻
健馬

九外傳山東產健馬下者日馳二百里所以兵常當天下

飛電流雲

宋蘇軾題申生畫馬圖當時不獨玉花驄飛電流雲絕灑灑

岳湛

蘇軾題韓幹畫馬圖赭白紫騮俱絕比馬宋岳湛有妍姿

如意騮神智駿

杜陽雜編唐德宗二馬曰如意騮曰神智駿耳
中有毛引之一尺又謂之二絕舍人韓翃詩曰
晚日苑間散碧蹄金鞭欲下不成嘶咏此二馬
橐駝馬

津梁

回鶻傳骨利罕處海北地產良馬似橐駝筋絡
壯大日馳數千里

秦晉江干潞州牧津梁寺地美水草馬健如
世號津梁種

黑馬

五代史黑訖支部地多黑馬善走其登山逐獸
下上飛旋獻以爲常

白額駒

郭贍謂李暠曰君終當有國家有駒馬生白額
此其時也後果生白額駒暠稱西涼公

馬言
黃駟

五代史漢王劉旻與周世宗戰北乘黃駟馳歸以金銀飾廐食以三品號自在將軍

叱撥綠宗駟

宋志凡馬羣號十七左右字至退字毛物九十一種叱撥青白紫純色及綠宗駟爲上

龍駒

祥符九年大名監產赤馬肉尾無鬣是龍駒

開元錄仁宗御馬名玉逍遙色白乘之如輿輦也圍人云馬行步有尺度疾徐皆中節御者行速則以足欄之一日燕王借乘卽常鳴不行王怒還之帝以配南城馬舖久之復御其行如初帝升遐從葬至陵下悲鳴不食而死

碧雲駟

聞見錄梅聖俞序曰碧雲駟者廐馬也莊憲太

后臨朝以賜荆王王惡其旋毛太后知之曰旋毛能害人耶吾不信留以備上閑遂爲御馬第一以其吻肉色碧如霞片故號之

元祐三馬

宋元祐初禽鬼章青宜結百官皆賀時西域貢馬首高八尺龍顛而鳳膺虎脊而豹章出東華門入天駟監振鬣長鳴萬馬皆瘖父老從以爲未始見也蘓軾請於李公麟畫三駿馬之狀

而使鬼章青宜結效之爲贊曰八尺龍神超遙若將西燕昆瑤帝念民乃下招籥歸雲逝房妖三馬者西域黃馬羗溫溪心良馬西蕃駿馬
肉駿馬

宋蘓軾云見秦州進馬項下重胡倒毛生肉端此肉駿也杜有詩肉駿硯礪連錢動

于闐花驄西河驄

黃山谷詩于闐花驄龍八尺看雲不受絡頭絲

四河驄作蒲萄錦雙瞳夾鏡耳卓錐

西蕃汗血馬

蔣之奇爲熙河帥西蕃有貢駿馬汗血者有司以非貢歲月留其馬于邊

好頭赤

蘇軾題李伯時畫御馬好頭赤歌豈如廐馬好頭赤立仗歸來臥斜日

出格馬

七年五月廣右進出格馬千匹上留其一餘付殿前司上曰馬之良者不必西北

義驗

程史宋開禧間九江戍校王成見病驗收秣之尙寇李元礪犯龍泉成出戰死驗屹立不去悲鳴成側寇顧曰良馬取獻之元礪弟乘犯永新驗識我軍旗幟馳歸元弟就禽驗病傷不秣

小騷

程史金主亮小馳名小將軍常所御亮忽夜夢
騎應上帝召行覺雲霧勃鬱起馬蹄間下如海
濤洶湧既而見寤遣使侍至廐視小將軍喘汗
雨浹

六蹄

方洲雜錄西域馬段九成所記松雪翁所圖六
蹄此類也

飛越峯

一、養龍坑有靈物藏其下嘗春初夷
人立於坑畔擇牝馬繫之已而雲霧晦冥類有
物與按其產必龍駒洪武四年于此獲正白色
馬爲獻首高九尺長丈餘不可控馭詔典牧者
囊沙使負行苑中乃馴時行夕月禮於清涼山
乘之如躡雲一塵不動賜名飛越峯且命繪形
藏焉學上宋濂爲贊

龍馬

明永樂庚子冬十月山東諸城縣民崔友諒以龍馬來獻其色青蒼肉駿隱起背有奇文交互錯綜若龍鱗然赤鬣肉尾麟臆鳳膺敷腹潤澤狀甚奇異詢諸其民云所居之地有瀕潭海深不可測時有神物蜿蜒雲霧之中隱見潭上家有牝馬恒牧于茲忽一夕風雲驟作遂產此馬若有神異撝呵光彩照耀上燭霄漢遠邇嗟異咸曰此龍馬也宜閔于

期以報天庥爲千萬世太平之光

西武馬

方洲雜錄先朝西域貢馬高九尺頸與身等昂舉若鳳景泰末西域進白馬高如之頸亦類焉後足脰節間有二距毛中隱若鱗甲天順中復見之御馬監坊河道上俱不受羈轡不知日行幾何也

馬記下

蒼龍赤駟白駱鐵驪

禮曰春駕蒼龍夏駕赤駟秋駕白駱冬駕鐵驪
爾雅翼曰駟赤馬黑鬣明堂月令五時駕馬而
駟處其二春蒼龍秋白駱冬鐵驪夏用赤駟中
央用黃駟中央寓于季夏故所用物同而以色
之淺深爲之別也爾雅曰白馬黑鬣駱禮記曰
夏后氏駱馬黑鬣廣雅曰白馬朱鬣駱今呼黃
馬尾一道通黑如界者爲駱蓋馬無分于黃白

之駱說文曰馬深黑色驪馬赤黑色鐵先
儒云取其馬色如鐵非特有取于色蓋亦取其
堅壯如鐵故曰鐵魏書曹公列鐵騎五千爲十
重障

南海駿

禮斗威儀曰君乘火而王者其政頌平則南海
輸以駿馬

國馬田馬

考工記曰國馬之軛深四尺有七寸田馬之軛深四尺鄭云國馬高八尺衡高八尺有七寸除馬之高則餘七寸爲衡頸之間也田馬高七尺衡高七尺有七寸除馬之高則餘七寸爲衡頸之間也

駮

爾雅曰馬八尺爲駮駮卽戎馬故其字指事而戎事齊力尚強故爾雅又曰絕有力駮也校人

云種馬一物駮馬一物戎卽駮馬也種馬卽龍馬也史言良馬謂之龍種蓋出于此

騏駼

爾雅曰枝蹄趺善馳陞騏駼亦言馬而牛蹄

惟馬驢首騏駼啓踦驤鼻騏駼騶駼騏駼惟

爾雅膝上皆白惟鼻四骹皆白驢骹膝下也四驢皆白首俗呼爲踏雪馬前足皆白騏後足皆白翎前右足白啓左傳曰啓服也左白踦前左

馬言
脚白後右足白驪左白鼻後左脚白也易曰震
爲馬足驪馬白跨驕驪黑色跨髀間白州驪州
竅尾本白驥尾林白尾白駮俱尾毛白白達素
縣素鼻莖也俗所謂漫驢徹齒面頰皆白惟驍
上鼻音怒下鼻音住驢音情驥音奚翎音渠跨
音欺駮音狼驥音晏驍音忙

鶉駮驪駮

爾雅曰驪白雜毛鶉今之花駮也詩曰乘乘馬

乘乘黃乘乘鶉黃白雜毛駮今之桃華馬陰白
雜毛駮陰淺黑今之泥駮詩曰我馬維駮蒼白
雜毛駮詩曰有駮有駮形白雜毛駮即今之赭
白馬形赤

駮

白馬黑唇駮

矐魚

一目曰矐二目曰魚似魚目也詩曰有驪有魚

六駁茲白

爾雅翼曰六駁如馬白身黑尾一角鋸牙虎爪其音如鼓喜食虎豹蓋駁毛物既可觀又似馬故馬之色相類者以駁名之予虛賦曰楚王乃駕馴駁之馴西京賦曰六駁駿甚吳都賦曰驀六駁駕乘也驀上馬之名也一名茲白周書王會篇曰正北方義渠以茲白茲白者若白馬鋸牙食虎豹卽此物也古之名馬有曰六駁者曰

駁虞者曰騰黃者曰飛兔者曰麒麟者六駁者必其白身黑尾如獸之六駁者也駁虞者必其白質黑文如獸之駁虞者也騰黃者必其縞身朱鬣如獸之騰黃者也飛兔者必其麗然而蒼者也麒麟者必其粹然而黃者非馬之有六駁駁虞飛兔騰黃麒麟也乃馬之似六駁駁虞騰黃飛兔麒麟也駁音博

飛鴻野麋娥鹿駟吾走狐桃駘金喙

廣雅曰皆馬屬也

騊駼

黃白騊詩曰騊駼其馬駟馬黃脊騊駼馬黃脊騊皆背脊毛黃

騊駼

青騊今之鐵騊也詩曰駟彼乘騊青騊騊騊色有深淺斑駁隱騊今之連錢騊也青騊繁鬣騊禮記曰周人黃馬繁鬣兩被毛或云美毛鬣

匹練

家語顏回望吳門馬見一匹練孔子曰馬也馬之光景長一匹耳

騊駼

天文志騊之北土馬牧之所蕃庶故天苑之象有焉

作馬冀

史記巴蜀沃野西近邛笮有笮馬旄毛

蜚鴻

東方朔傳騏驎綠耳蜚鴻華騮天下良馬也

捷爲馬

蜀志馬鳴矣昔土人鄭氏牧溪上馬產龍駒四蹄利爪朱駿頰尾高七尺振鬣長鳴躍于水故名

國馬天下馬

莊子曰吾相直者中繩曲者中鉤方者中矩圓

者中規是國馬也而未若天下馬也天下馬者若亡若失若喪若一若是者超軼絕塵不知其所

百八十歲

抱朴子曰韓子治嘗以地黃甘草哺五十歲馬以生三駒又百三十歲乃死

騾龍玄駒裏驂

說文曰馬一歲曰鬲二歲曰駒三歲曰駘八歲

馬記
曰馱高六尺曰驕七尺曰騾八尺曰龍爾雅翼
曰騾宜於牧故釋獸稱騾牝驪牡玄駒裏騶蓋
言以騾爲牝以驪爲牡而生玄駒則爲裏騶也
腰裏良馬名裏騶取名于此詩稱衛文公秉心
塞淵騾牝三千

紫鷲

文選將使紫鷲駢衛紫鷲駿馬名

飛燕天驪

飛燕天驪七命駕紅陽之飛燕又曰天驪之態超
越逸羣

騏雄

劉琬馬賦曰吾有駿馬名曰騏雄龍頭烏目麟
腹虎胸尾如雪聿耳如插筒

九龍

玉海景德中郡牧判官王叔晦上言九龍十驥
之名稱

馬言
駿馬天下之馬

相馬經曰前視見目旁視見腹後視見足駿馬也毛束皮皮束筋筋束肉肉束骨五者兼備天下之馬也

荏鐵

馬經驄馬之別七曰荏鐵

虎文馬

山海經一臂國有黃馬虎文一目而一耳

滑水馬

山海經曰滑水中多生馬而文臂牛毛其音如

驂馬

寰宇記電白海中出驂馬似馬而牛尾

頗梨馬

吐火羅國頗梨山南崖火中有神馬國人每牧牝馬于其側時產名駒皆汗血焉

銅父

馬記

東

地鏡圖曰銅父之精皆爲馬

龍孫

韻府續編青海之傍馬多龍種號龍孫

如龍

洞冥記須彌國有馬如龍騰雲逐日兩足倚行
藏形于空中惟聞聲耳

小馬

洞冥記曰畢勒國有小馬如駒日行千里毛垂

至地入王公常騎此馬朝發陽池夕飲虞淵一
日一夕往返七八度亦良馬也長于空中自放
則風飛之或東或西

駟駿

異聞錄鮑生謂韋生曰春生獲駟駿數匹龍形
鳳頸兔脰鳧膺

紫叱撥

異聞錄韋生好乘駿馬游行四方鮑生以女妓

善四絃者換紫叱撥

雙脊馬

一統志肇慶瀧水出果下馬駿者有雙脊健而能行

西和龍馬金龍池馬瀘川龍馬峨眉池龍

馬嶠塚淵龍馬

一統志龍馬泉在西和縣每春夜牝馬飲泉自然懷駒初無毛色以糞裹之經數月生毛不三

歲具大宛馬同又金龍池在馬邑縣後魏時池有二龍化馬一驪一黃遇天陰晦輒出民間牝馬遇之生駒神駿或有角如鹿茸然又唐王昌遇落魄仙授以道術歸呼馬送之瞬息至家馬化爲龍入瀘川澤中又峨眉縣昔有一馬馳走如飛村民攫捕傷足投之池中一夕雷雨大作劈山而去又嶠塚有神馬山下有淵池神馬所生昔人嘗于此得馬頭高三尺

竹批

房兵曹胡馬詩云竹批雙耳峻風入四蹄輕舊
說相馬者耳欲如劈竹睛欲如懸鈴此竹批之
義也

